

Blijlevens da azkarrena


Egun lasaia izan zen atzokoa, gaurko mendiaren eta biharko erlojupekoaren atarian

Gorka Zabaleta / Donostia

JEROEN BLIJLEVENS holandarrak bigarren etapa garaipena lortu zuen atzo Lancia-noko helmugan. TVMkoa esprintetako erregea da aurten Giroan, Mario Cipollini-ren gainetik. Atzo, Roman Vainsteins eta Fabrizio Guidi izan zituen aurkari, eta aise hartu zituen mendean. Mario Cipollini ez zen esprintean sartu, eta hurrengo aukerari itxaron beharko dio.

Bestela, etapak ez zuen aparteko lehiarik izan. Txirrindulariek etapa hasieran egindako protestaldiaren ondoren —dopin kontrolak direla eta—, lehen bi orduetan 63 kilometro baino ez zituzten egin. Gero, 70.ean Bianchik (Riso Scotti) eta Ongaratok (Liquigas) ihes egin zuten. Bi italiarrek lau minututik gorako abantaila izan zuten, baina helmugarako hamar kilometro falta zirela irentsi zituen tropelak. Gero, aurrera egiteko hamai-ka saio, azkenean esprinta, eta azkarrena Blijlevens.

Gaur mendiko lehen etapa garrantzitsua jokatu da: 253 kilometro, hiru mendate, azkena Gran Sasso d'Italia. Mendate hori hamar kilometroko igoera da, %6ko desnibelarekin batez beste. Faboritoak izango dira aurrean.



Jeroen Blijlevensek (TVM) bigarren garaipena lortu zuen atzo, Lancia-noko helmugako esprintean.

sailkapenak

Zazpigarren etapa

1. J. Blijlevens (TVM)	4:12:06
2. R. Vainsteins (Vin)	d.b.
3. F. Guidi (Pol)	d.b.
4. P. Bettini (Map)	d.b.
5. M. Piccoli (Lam)	d.b.
6. A. Petacchi (Nav)	d.b.
7. G. Balducci (Nav)	d.b.
8. G. Misaglia (Lam)	d.b.
9. A. Edo (Kel)	d.b.
10. G. Fagnini (Sae)	d.b.
11. A. Turicchia (Ris)	d.b.
12. D. Pieri (Nav)	d.b.
13. G. Glomser (Nav)	d.b.
14. M. Gili (Ami)	d.b.
15. S. Ivanov (TVM)	d.b.
16. M. Gentili (Can)	d.b.
17. P. Savoldelli (Sae)	d.b.

Nagusia

1. L. Jalabert (ONCE)	31:34:07
2. D. Di Luca (Can)	7ra
3. P. Savoldelli (Sae)	16ra
4. D. Rebellin (Pol)	20ra
5. M. Pantani (Mer)	22ra
6. D. Frigo (Sae)	d.b.
7. I. Gotti (Pol)	d.b.
8. G. Simoni (Bal)	25era
9. S. Ivanov (TVM)	31ra
10. O. Camenzind (Lam)	32ra
11. N. Axelsson (Nav)	d.b.
12. A. Noe (Map)	33ra
13. E. Zaina (Mer)	d.b.
14. D. Clavero (Vit)	d.b.
15. J. M. Jimenez (Ban)	d.b.
16. G. Stangelj (Mob)	d.b.
17. S. Blanco (Vit)	d.b.
18. M. Velo (Mer)	44ra

«Hurrengoan etxera goaz»

Erredakzioa / Donostia

TXIRRINDULARIEK ez dute bakerik dopinarekin. Galdeketa, atxilotekak eta auzipetzeak ez direnean, ustekabeko kontrolak dira, atzo goizaldean gertatu bezala. Italiako Batzorde Olinpikoak Ballan, Vini Caldirola eta Mobilvetta taldeko txirrindulariei odol probak egin zizkien, aurrez iragarri gabe, eta horrek tropelaren haserrea eragin du. Atzo goizean, gertatutakoaren berri izan zutenean, Marco Pantani, Mario Cipollini eta Laurent Jalabert egoera aztertzekeo bildu ziren. Ondoren emandako prentsaurrekoan horrelako beste kontrolik ez dutela onartuko adierazi

zuten, «hurrengoan etxera» joango direla. Izan ere, Pantanik esandakoaren arabera, UCIk eta federazioek egiten dituzten kontrolak nahikoa direla uste dute txirrindulariek, eta ez dute ulertzen beste erakunde batzuk kontrolak egiten hastea. «Beste kirolari batzuek ez dituzte kontrol hauek onartu, eta guk eskubide berberak eskatzen ditugu. Giroa jarraitzeko lasaitasuna behar dugu, atsedean hartu eta kontzentratu egoteko, bestela bagoaz», esan zuen Pantanik. Laurent Jalabert atzerriko txirrindularien izenean mintzatu zen, eta jazarpenari amaiera jartzeko eskatu

zuen: «Ezin dugu jarzapean hau onartu. Onegiak gara. Nola edo hala egoera honi amaiera jarri behar diogu». «Profesionalak gara, eta korritzea dugu gustuko, baina ezin dugu hau onartu. Araudiak bateratu egin behar dira. Batzuek egoera honi etekina atera nahi diote, eta txirrindulariok ez gara ezer. Bi egun daramatzat lider, baina gaur gertatu denak garrantzi handiagoa du», esan zuen. Txirrindulariek etapa jokatzea erabaki zuten, «jarraitzaileei eta Giroari zor zaien errespetuagatik», baina kontrol hauekin jarraituz gero, lasterketa bertan behera uztea aztertuko dute.